

# Regulativ da taxas pleiv Rueun Ruschein Siat Pigniu

## Per far diever dallas baselgias parochialas:

s. Andriu (Rueun), s.Gieri (Ruschein), s. Flurin (Siat), s. Valentin (Pigniu) e

## per far diever dallas capluttas:

a Rueun: s. Antoni, s. Clau, s. Francesg, s. Maria Madleina

a Ruschein: s. Antoni, Nossadunna, s. Valentin

a Siat: s. Ambrosi, s. Gliezi

a Pigniu: Nossadunna

## En general:

Ils edifecis suranumnai ein tenor lur intent loghens d'oraziun e cult divin. Els stattan en emprema lingia a disposiziun per tals intents alla pleiv. Per persunas ordeifer la pleiv stattan las baselgias e capluttas per regla a disposiziun per survetschs (p.ex. survetsch divin funeral, nozzas, battens) da confessiuns culla quala la baselgia catolica tgira contacts ecumens (p.ex. baselgia evangelica-refurmada, baselgias ortodoxas). Ad autras gruppaziuns stattan ils edifecis sacrals a disposiziun mo en cass extraordinaris e cun la lubientscha dil plevon.

## Taxa fundamentala da diever

La pleiv pretenda per occurrentzas sacralas ni profanas ina taxa fundamentala da diever. Quella taxa vegn adossada per mintga singula occurenza. La taxa cuntegn ils cuosts dil diever digl edifezi, quels per forza electrica, scaldament, il schubergiar sco era la preschientscha dalla calustra. La taxa duei gidar da curclar ina part dils cuosts. En la taxa da diever per occurrentzas profanas ei cumpriu in'exercezi d'emprova il medem di sco l'occurenza.

## Occurrentzas sacralas:

Porscher ils sacraments entras il spiritual dalla pleiv ei gratuit per tutti parochians e tuttas parochianas dalla pleiv Rueun Ruschein Siat Pigniu. Persunas ordeifer la pleiv regleschan ils cuosts directamein culla suprastanza da pleiv.

## Tarifas:

### Survetschs sacrals:

	parochians (sedia primara)	
Batten (ordeifer il survetsch divin)	0.- fr.	100.- fr
Nozzas	0.- fr.	200.- fr
Survetsch divin funeral (incl. sepultura)	0.- fr.	200.- fr

### persunas d'ordeifer

en baselgia	en caplutta
80.- fr	
120.- fr	

Per persunas che habiteschan buca pli a Rueun, Ruschein, Siat ni Pigniu, ch'ein denton vegnidias battegiadas e/ni cresmadas en ina dallas quater baselgias parochialas vegn la taxa reducida per la mesedad. Negina reducziun datti per persunas ch'ein burgheis d'ina fracziun dalla vischnaunca llanz Glion habiteschan denton buca en ina dallas quater fracziuns.

## **Occurrenzas profanas:**

La pleiv sa metter a disposizun ils edifecis (en spezial las baselgias parochialas) per concerts ni autres producziuns sacrals a gruppas indigenas ni jastras che damondan per la lubientscha. Il survetsch divin dalla dumengia ed eventualas sepulturas han denton prioritat absoluta.

La damonda per il diever ei d'inoltrar ad uras alla suprastonza da pleiv. Per regla vegnan lubidas mo producziuns da tempra religiusa el senn vast dil plaid. Excepziuns ein denton lubidas aschilunsch che quellas producziuns corrispundan alla dignitat dil liug.

Decoraziuns ed installaziuns astgan buca far donns vid baselgia, caplutta ni santeri ed ein d'allontanar suenter l'occurrenza schi spert sco pusseivel.

Midadas ed adattaziuns en gl'edifeci ein en mintga cass da coordinar culla calustra ni gl'ugau ch'ein cumpetents da decider en caussa.

Per gl'indrez (cazzolas, tecnica, microfons etc.), tribuna ni podest etc. procura gl'organisatur. El ei era responsabels ch'ei vegn fatg uorden. Donns van sin cuost digl organisatur ed ein d'annunziar alla suprastanza da pleiv.

## Tarifas:

<b>Taxa fundamentala da diever per:</b>	<b>instituziuns d'ordeifer</b>	
	<i>en baselgia</i>	<i>en caplutta</i>
a. Occurrenzas en fuorma da concerts per formaziuns cun dapli che 10 persunas	400.- fr	200.- fr
b. Occurrenzas en fuorma da concerts per formaziuns cun 10 ni pli paucas persunas	200.- fr	100.- fr
c. Occurrenzas en in'autra fuorma	300.- fr.	100.- fr
<b>Taxas per uniuns indigenas, scolas e chor baselgia:</b>	0.- fr	0.- fr

Occurrentzas buca previdas en quest regulativ vegnan decididas da cass tier cass entras la suprastonza dalla pleiv

Quest regulativ da taxas remplazza tut ils regulativs da taxas da diever ed ei ius en vigur cull'approbaziun entrais la radunanza generala dalla pleiv Rueun Ruschein Siat Pigniu ils 13.05.2017

Hugo Schär  
President

# Hubertus Spescha